

雲溪居士集

膳錄監生臣陳遂

膳錄監生臣曾照

欽定四庫全書

雲溪居士集卷四

宋 華鎮 撰

古體詩

五言二十七首

春日雜興十五首

李冬歲云暮玄冥肅寒威濃雲蔽白日朔風戾天飛霜
華晝不消木水粲瓊枝河漢凝以沍松竹慘萎蕤豺虎
有飢色況乃孤兔微朝陽汎春光黃雀鳴華棖

鳴禽斷殘夢寒衾有餘溫褰帷覽東窓朝陽汎晴暎晨

興不知倦攝衣步南軒碧瓦無寒霜芳露浥蘭蓀東風
苦未競愁見陰雲屯登高遠四望極目際郊原

三眠愁夜久夙興坐高堂是時大火中啓明在東方曉
月俯前楹列星掩微芒和風從東來草木有流芳攔花
浥零露密影森低昂咸池浴朝日照耀上扶桑輕煙靄
簾櫳盈盈斂餘光

韶光入南園芳樹轉珍禽弄月曉煙際吟風夕陽林間
闌調巧言玲瓏韻鳴琴密傳青帝意說盡陽和心採之

芳林幽置之華堂深願言几席間時聽林中音朝餐屑
崑玉彫籠飾南金引盼結綺疏弄影高梧陰三旬春欲
暮寫此如簧吟

緩步出東門徘徊高城隅芳郊曉煙霽極目眺平湖遲
日暖潛魚東風汎荻蒲陽和著萬物動植皆昭蘇行樂
貴及時流光易云徂五陵少年客燕趙傾城姝憧憧滿
金隄盈盈雜簪裾華龍儼上駟冰雪瑩膚腴帷花啓芳
筵藉草羅樽壺蹇條密相遺巧笑情有餘溱洧宛未妍

桑中良不如

東風入九門細草有餘綠長楊散金縷繚亂青樓曲緗
桃美於錦素馨純如玉名園搜未盡春華已盈目蘭蕙
有天香乃在山之麓不與東風發誰知顧中谷

姜庸曉相攜採桑高城東新粧競姚冶危鬟較櫛鬆桂
襦無舊製組繡有餘工穿林逐流鶯遵渚學驚鴻密葉
朝露晞遠揚戾東風日昃蠶已飢采采不盈籠

虛懷湛秋水拳石枕寒沙上栽九節蒲依倚復欹斜寄

懷曲几穩發秀終年嘉細根散蒼髯巨柢蟠青蛇玉篴
瑩故葉劍鋌長新芽融怡謝陽光滋澤非露華潔貞宛
相適吹噓曾不賒乃知元氣游脗合大道涯生生無間
斷在在均邇遐陰隲有異稟朗應無爾差故茲靈藥材
見重長年家寧如溱洧贈復異洛陽花臭腐薦高腴天
冶揚芬葩栽培劇彫楮徂謝迅飛霞韶光瞬息移不得
延豪奢

東郊接南陌芳樹繚脩隄疎雨歛輕埃十里平如坻雲

日弄晴陰煙花淡低迷往來多騷裊躑躅赴東西紫騮
連錢花青驄碧玉蹄軒頭剝秋兔潤臆竦鳴雞金鑣響
玲瓏玉校光高低促韁合組繡脩策琢玻瓈顧影歛逸
足迎風鬱長嘶不逢王武子與解錦障泥

晴春厭密處駕言出林坳捨車步衡皋緩帶遵蘭汀長
林合葱蒨綠陰透虛明上有遷谷鶯下聞求友聲風和
黃舌穩薄暮耳猶傾歸輶俯俄景脩路尚安行華鋪閉
深院嘉樹列前庭高梧陰綺窓媚柳拂朱甍安得谷中

侶晨昏此飛鳴

迢遞長江表崎嶇青障間
瑞草雜野卉吐秀莫窮看
馥郁誰與竒細碎如等閒
荆榛共榮悴樵牧幾摧殘
殊鄉採嘉聲千里輾名園
輕舟走彫檻文砌薦朱欄
芳華未盈枝傾都已醺顏
疎叢乏蔥蒨薄采媿朱殷
珍賞占芳時野客更舊觀
試問蜂和蝶何如蕙與蘭

江梅燦瑤琨緒風未成和
紅藥簇雲錦韶光已蹉跎
臘寒苦難任秋陽暴如何
寧知桃李樹乘春蔚娑娑
二月

艷陽天兩京佳麗多五陵浮瑞氣三州翻綠波宮槐出
華闕御柳夾銀河玄鳥雜飛舞黃鸝競鳴歌芳蹊展平
練繁艷簇香羅浥露笑金谷迎風媚銅駝落英縱紛紛
珍實已戕戕莫訝潘河陽盈城意靡他

纖纖蘭蕙甲青青楊柳絲草木有春華園林競芳時粧
點貴銓次高下有推移連畛已端修茅蹊盡平治雕欄
被丹雘文甃合瑠璃穿薄啓縈迂拍隄汎漣漪安排紅
藥樹映帶牡丹枝蔓草既誅鋤秋榮亦芟夷碧蘆斷修

幹丹蓼剪芳蕤芭杞散不收叢菊棄如遺蘆蓼尚云可
杞菊或未宜神功著西河嘉聲藹東籬朱實照金鼎黃
華登玉卮暄涼雖異序榮秀各有期商飈掠春叢摧折
誰能支

春華雜丹素芳心馥椒蘭蝴蝶採其榮交飛密為團輕
鬚卷絲緒弱翅翦冰紈栩栩婉有容飛飛閑可觀深叢
密依倚曲徑恣盤桓日昃芳氣消露晞黃粉乾繁華未
零落幽意已闌珊

中和嘉會日名都肆廣筵華櫟陰簪裾樽俎森盈前主
賓興方諧威儀曾未愆鳳簫密銀黃瑤琴掩朱弦衆優
湊廣庭跕躑躅回旋被服倂古製咿鳴操方言鉦鼙雜
鳴擊促數競喧填歌舞養心耳心耳今煩惛恐非君子
音不足延永年

和孫秀才醉中二首

封人祝多子患寡不患小林慮行且歌自喜身已老五
月日可畏不踐門前道北窓足虛閑清風颭然到况有

樽中物玉山恣傾倒黃河或可斷世事未云了

吾鄰有達士時得問話言寄身杯酒間萬事不復論大
嚼青精飯高岸白綸巾愧非伯倫伴辜此義軒民

瀑布

蒼崖入青冥飛泉下巖頂薄風春雷怒照月秋練迴清
潤冷書幌輕柔媚茶鼎揮弄自忘歸賞心意誰並

橫山

戶外片山橫長蛇勢繚繞林疎無鷲獸海近多鷗鳥雲

氣弄晴陰煙光媚昏曉坐中見樵采隱隱下林杪

懷嵩亭

原注亭在新安縣舍後山

嵩高維神嶽峻極上霄漢臨登信舍地庶入朝夕觀垂
簷碧雲低帶戶前山亂何日見愚公神棲夢輕斷

適南亭

子真理照地千載委榛莽知音久未會遺蹤寂誰賞華
堂始基構皂蓋日來往高風邈已遠茲焉競長想

河南運使柯少卿用廣西提刑曹司勲遊嶽麓

寺韻送廣西行俾令同賦

昔聞湘西寺夢想投雙脚身境隔楚越攘臂無由攫此
日陪勝集當年意彌廓山環秀色遠地勝真興託赤日
朗泥金彤霞煥塗臚追隨得後乘登頓閑芒屨窮幽際
高深歷險遵厓壑北斗近在手南溟消一酌天風韻球
琳世味羶醴酪躡屐想王謝登舟成李郭欣戚起參差
去住同紛錯常時惜聚散靈襟費恢拓契理在相忘言
志亦盍各無然結惆悵聊用聆談噓况當擁斧繡不類

居榛壑金石雖欲流風雲正相薄
薜華夕則隕蠟味淡可嚼照坐蘭玉明
揮翰珠璣落青嶂繚雲構紅紗羅蠟
爍景勝語難工柔毫幾頻閣

早發京口舟中

解維去北固挂席指西湘秋江迴以朗物色見毫芒蓬
窓列遠岫天際揔連檣鷗鷺簇寒沙蒹葭肅初霜千里
伊此始扁舟前路長路長念行遲家遠情難忘回首東
南引朝陽汎滄涼稽山不可見况復梓與桑日月無停